



## წალენჯიხის მუნიციპალიტეტის საკრებულოს

### დადგენილება № 1

2022 წლის 20 იანვარი

#### წალენჯიხა

„წალენჯიხის მუნიციპალიტეტის საკრებულოს რეგლამენტის დამტკიცების შესახებ“  
წალენჯიხის მუნიციპალიტეტის საკრებულოს 2014 წლის 24 ივნისის N14 დადგენილებაში  
ცვლილების შეტანის თაობაზე

საქართველოს ორგანული კანონის „ადგილობრივი თვითმმართველობის კოდექსი“ 61-ე  
მუხლის 1-ლი პუნქტისა და „ნორმატიული აქტების შესახებ“ საქართველოს ორგანული  
კანონის მე-20 მუხლის მე-4 პუნქტის შესაბამისად, წალენჯიხის მუნიციპალიტეტის  
საკრებულოს ადგენს:

#### მუხლი 1

შეტანილ იქნეს შემდეგი ცვლილება: „წალენჯიხის მუნიციპალიტეტის საკრებულოს  
რეგლამენტის დამტკიცების შესახებ“ წალენჯიხის მუნიციპალიტეტის საკრებულოს 2014  
წლის 24 ივნისის N14 დადგენილებაში ([www.matsne.gov.ge](http://www.matsne.gov.ge) 30/07/2014წ, სარეგ.კოდი  
010250040.35.104.016160):

- ა) დადგენილებით დამტკიცებული „წალენჯიხის მუნიციპალიტეტის საკრებულოს  
რეგლამენტის“:
- ა.ა) მე-3 მუხლის მე-3 პუნქტის „ზ“ და „გ“ ქვეპუნქტი ჩამოყალიბდეს შემდეგი რედაქციით:
    - გ) საკრებულოს თავმჯდომარის, თავმჯდომარის პირველი მოადგილისა და  
მოადგილე(ებ)ის არჩევა და თანამდებობიდან გადაყენება;
    - გ) მუნიციპალიტეტის საკრებულოს კომისიის შექმნა: კომისიის თავმჯდომარის არჩევა და  
თანამდებობიდან გადაყენება; ახლადარჩეული მუნიციპალიტეტის საკრებულოს პირველ  
სხდომაზე მუნიციპალიტეტის საკრებულოს კომისიის წევრთა რაოდენობისა და  
პროპორციული წარმომადგენლობის კვოტების განსაზღვრა და დამტკიცება.“;
  - ა. ბ) III თავის სათაური ჩამოყალიბდეს შემდეგნაირად - „საკრებულოს თავმჯდომარე და  
მისი მოადგილეები“

- ა.გ) მე-18 მუხლი ჩამოყალიბდეს შემდეგი რედაქციით:  
„მუხლი 18. საკრებულოს თავმჯდომარის მოადგილეები

1.მუნიციპალიტეტის საკრებულოს თავმჯდომარეს ჰეს სამი მოადგილე, მათ შორის, პირველი მოადგილე. მუნიციპალიტეტის საკრებულოს თავმჯდომარის მოადგილეებს (მათ შორის პირველ მოადგილეს) მუნიციპალიტეტის საკრებულოს თავმჯდომარის წარდგინებით, თავისი შემადგენლობიდან, მუნიციპალიტეტის საკრებულოს უფლებამოსილების ვადით, სიითი შემადგენლობის ნახევარზე მეტით ირჩევს მუნიციპალიტეტის საკრებულო;

2.მუნიციპალიტეტის საკრებულოს თავმჯდომარის მოადგილეების კანდიდატურის დასახელების უფლება აქვს მხოლოდ საკრებულოს თავმჯდომარეს, ერთი და იგივე კანდიდატურა შეიძლება დასახელდეს მხოლოდ ორჯერ.

3.მუნიციპალიტეტის საკრებულოს თავმჯდომარის არყოფნის შემთხვევაში მუნიციპალიტეტის საკრებულოს თავმჯდომარის მოვალეობას ასრულებს მისი პირველი მოადგილე ან მუნიციპალიტეტის საკრებულოს თავმჯდომარის დავალებით - მისი ერთ-ერთი მოადგილე.

4.მუნიციპალიტეტის საკრებულოს თავმჯდომარის მიერ უფლებამოსილების განხორციელების შეუძლებლობის, მისი თანამდებობიდან გადადგომის ან გადაყენების, მისითვის მუნიციპალიტეტის საკრებულოს თავმჯდომარის უფლებამოსილების შეჩერების ან შეწყვეტის შემთხვევაში მუნიციპალიტეტის საკრებულოს თავმჯდომარის მოვალეობას ასრულებს მისი პირველი მოადგილე, ხოლო მის მიერ უფლებამოსილების განხორციელების შეუძლებლობის შემთხვევაში - მუნიციპალიტეტის საკრებულოს თავმჯდომარის უხუცესი მოადგილე.

5.საკრებულოს თავმჯდომარის მოადგილეს უფლება არა აქვს, ეწეოდეს სამეწარმეო ან ანაზღაურებად საქმიანობას გარდა სამეცნიერო, პედაგოგიური და შემოქმედებითი საქმიანობისა. საკრებულოს თავმჯდომარის მოადგილე იმავდროულად არ შეიძლება იყოს საკრებულოს კომისიის ან ფრაქციის თავმჯდომარე.

6.საკრებულოს თავმჯდომარის მოადგილეს უფლებამოსილება ვადამდე უწყდება ამ რეგლამენტის დადგენილი წესით გადარჩევის, თანამდებობიდან გადადგომის, მისი, როგორც საკრებულოს წევრის უფლებამოსილების შეწყვეტის, აგრეთვე „საჯარო სამსახურში ინტერესთა შეუთავსებლობისა და კორუფციის შესახებ“ საქართველოს კანონით გათვალისწინებული თანამდებობის პირისთვის შეუთავსებელი თანამდებობის დაკავების ან შეუთავსებელი საქმიანობის შემთხვევაში.”

ა.დ) მე-19 მუხლის 1-ლი პუნქტი ჩამოყალიბდეს შემდეგი რედაქციით:

„1.საკრებულოს საქმიანობის ორგანიზების და ადგილობრივი თვითმმართველობის თანამდებობის პირთა საქმიანობის კონტროლის მიზნით საკრებულოს თავმჯდომარის, მისი პირველი მოადგილის, მოადგილების, კომისიებისა და ფრაქციების თავმჯდომარეების შემადგენლობით იქმნება საკრებულოს ბიურო.“

ა.ე) მე-19 მუხლის მე-2 პუნქტს დაემატოს და პუნქტი და ჩამოყალიბდეს შემდეგი რედაქციით:

„დ) ამტკიცებს (გარდა ახალარჩეული საკრებულოს პირველი სხდომისა) საკრებულოს საპროცედურო საკითხთა კომისიის მიერ განსაზღვრულ და წარდგენილ საკრებულოს კომისიებში პროპორციული წარმომადგენლობის კვოტებს;“

ა.ვ) 26-ე მუხლის 1-ლი პუნქტი ჩამოყალიბდეს შემდეგი რედაქციით:

„კომისიის თავმჯდომარეს თანამდებობაზე ირჩევს საკრებულო შესაბამისი კომისიის შემადგენლობიდან. კომისიის თავმჯდომარის არჩევა და გადარჩევა ხდება ამ რეგლამენტის 96-ე, 102-ე და 103-ე მუხლებით დადგენილი წესით.“;

ა.ზ) 35-ე მუხლის:

ა.ზ.ა) მე-2 და მე-3 პუნქტი ჩამოყალიბდეს შემდეგი რედაქციით:

„2. ერთი პოლიტიკური პარტიის წარდგენით არჩეულ მუნიციპალიტეტის საკრებულოს წევრებს უფლება არა აქვთ, შექმნან ერთზე მეტი ფრაქცია;

3. ფრაქციის შექმნის მსურველი მუნიციპალიტეტის საკრებულოს წევრები შეიმუშავებენ საკრებულოს ფრაქციის წესდებას. მუნიციპალიტეტის საკრებულოს წევრთა გაერთიანება ფრაქციის სტატუსს იძენს რეგისტრაციის მომენტიდან.“

ა.ზ.ბ) მე-6 პუნქტი ჩამოყალიბდეს შემდეგი რედაქციით:

„6. ფრაქციას უნდა გააჩნდეს წესდება.“;

ა.ზ.გ) მე-7 პუნქტი ამოღებულ იქნეს.

ა.თ) 37-ე მუხლის მე-3 პუნქტი ჩამოყალიბდეს შემდეგი რედაქციით:

„3. ფრაქციის ხელმძღვანელია ფრაქციის თავმჯდომარე. ფრაქციის თავმჯდომარეს ჰყავს ფრაქციის ყოველ სამ წევრზე ერთი მოადგილე, მაგრამ არაუმეტეს შვიდისა.“

ა.ი) 102-ე მუხლის მე-2 პუნქტი ჩამოყალიბდეს შემდეგი რედაქციით:

„საკრებულოს კომისიის თავმჯდომარეს ირჩევენ საკრებულოს წევრები საკრებულოს შესაბამისი კომისიის შემადგენლობიდან.“;

ა.კ) 104-ე მუხლი ჩამოყალიბდეს შემდეგი რედაქციით:

„104. საკრებულოს კომისიის შემადგენლობა

1. მუნიციპალიტეტის საკრებულოს კომისიის შემადგენლობა განისაზღვრება მუნიციპალიტეტის ფრაქციათა წარმომადგენლობისა და მუნიციპალიტეტის საკრებულოს იმ წევრთა რაოდენობის პროპორციულად, რომლებიც არ არიან არც ერთ ფრაქციაში.

მუნიციპალიტეტის საკრებულოს კომისიის წევრთა რაოდენობასა და წარმომადგენლობის კვოტებს განსაზღვრავს სამანდატო, იურიდიულ და საპროცედურო საკითხთა კომისია და ამტკიცებს მუნიციპალიტეტის საკრებულოს ბიურო, ხოლო ახლადარჩეული მუნიციპალიტეტის საკრებულოს პირველ სხდომაზე მას განსაზღვრავს და ამტკიცებს საკრებულო. კომისია უნდა შედგებოდეს არანაკლებ 3 წევრისგან. საკრებულოს წევრი ვალდებულია იყოს ერთ კომისიაში მაინც და უფლება აქვს იყოს ორი კომისიის შემადგენლობაში;

2. მუნიციპალიტეტის საკრებულოს ბიუროს (მუნიციპალიტეტის საკრებულოს) მიერ მუნიციპალიტეტის საკრებულოს კომისიებში მუნიციპალიტეტის საკრებულოს ფრაქციათა პროპორციული წარმომადგენლობის კვოტების დამტკიცებიდან 3 დღის ვადაში ფრაქცია თავისი გადაწყვეტილებით წარადგენს კომისიაში წევრებს;

3. მუნიციპალიტეტის საკრებულოს კომისიაში წევრის წარდგენის შესახებ მუნიციპალიტეტის ფრაქციის გადაწყვეტილება ეცნობება მუნიციპალიტეტის საკრებულოს სამანდატო, იურიდიულ და საპროცედურო საკითხთა კომისიას (მუნიციპალიტეტის საკრებულოს) და მუნიციპალიტეტის საკრებულოს ბიუროს. სამანდატო, იურიდიულ და საპროცედურო საკითხთა კომისია (მუნიციპალიტეტის საკრებულო) ამოწმებს ფრაქციის

მიერ კომისიის წევრის წარდგენის სისწორეს და საჭიროების შემთხვევაში ახდენს სათანადო რეაგირებას. ფრაქციის მიერ კომისიაში წარდგენილი წევრის კომისიაში დანიშნულად მიიჩნევა აღნისნული ფაქტის მუნიციპალიტეტის ბიუროს (მუნიციპალიტეტის საკრებულოს) მიერ ცნობად მიღების მომენტიდან. საკრებულოს წევრი, რომელიც გაერთიანებული არ არის არც ერთ ფრაქციაში, კომისიის წევრი ხდება ამ პუნქტით დადგენილი წესით, პირადი განცხადების საფუძველზე.

4. თუ საკრებულოს ფრაქციაში განხორციელებული ცვლილებები გავლენას ახდენს კომისიაში ფრაქციათა პროპორციულ წარმომადგენლობამ, საკრებულოს სამანდატო, იურიდიულ და საპროცედურო საკიტხტა კომისია 1 კვირის ვადაში განსაზღვრავს და საკრებულოს ბიუროს უახლოეს სხდომაზე წარუდგენს პროპორციული წარმომადგენლობის ახალ კვოტებს.“

მუხლი 2  
დადგენილება ამოქმედდეს 2022 წლის 20 იანვრიდან.

წალენჯიხის მუნიციპალიტეტის საკრებულოს  
თავმჯდომარე



კორნელი სალია